



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Signa exteriora per quae Manich[a]ei haeretici dignoscuntur.

urn:nbn:de:hbz:466:1-13589

sortium fidelium; raro diuini officij interest; quo tempore Ecclesiæ præcepto ad id obligantur, & similia opera exercere, indicia sunt hæreses, & excommunicamus, §. adijcimus, de hæret. Zanchinus tract. de hæret. c. 7. nu. 7.

Ecclesiastica sacramenta non recipere: Ecclesiæ præcepta non obseruare quo tempore recipienda & obseruanda sunt; iuxta Ecclesiæ leges & consuetudinem, vt non confiteri: non recipere Eucharistiam: non ieiunare cum possis: non abstinere ab esu carniū cum debeas, & similia, externa sunt hæresis signa, quæ suspicionem malæ credulitatis parunt. Zanchinus tract. de hæret. c. 3. nu. 2. vbi Campenius, Felhynus in c. ad abolendam, nu. 2. de hæret.

Iudaizare, id est, facere id quod à Iudæis solitū est fieri, vt sabbatū colere, & similia, indicia sunt latentis perfidiæ. Alber. tract. de agnos. assertio. q. 8. nu. 12. Ioannes Roias tract. de hæret. par. 1. nu. 304. & seq. Emericus paulo post tit. de signis per quæ hæretici reiuadantes dignoscuntur, nu. 114.

Huc sunt referenda opera, siue facta fautorum, receptatorum, & defensorum hæreticorum: ite opera persequentium fidem Catholicam, & impediētiā sacrum inquisitionis officium directi, vel indirecti, & c. quæ longum esset recensere, ex quib. quādo vehemens, quandoque leuis suspicio nascitur, de quibus copiose Emericus parte 2. q. 50. & sequentibus, & nos cum eo eisdem locis, adde Albertinum de agnos. assertio. q. 30. num. 60. & seq. & Iacobum Simancam de catho. instit. tit. 31. nu. 14. cum aliquot sequentibus, & Matthæum Ory in Alexipharmaco contra recidinas hæresim affectiones, parte vltima, tit. Quomodo debet purgari Ecclesia ab hæresibus.

Sunt item quedam facta & maleficia ex quibus protinus videtur oriri suspicio malæ credentiæ contra perpetrantem quæ male sentiat de aliquo Ecclesiæ dogmate, aut instituto, aut ordine, aut re aliqua, de qua sentire debemus sicut catholica sentit Ecclesia; veluti de potestate Papæ, & prælatorum, de sacris Monachorum religionibus, de sacramentorum ritibus, & multis huiusmodi, quæ breui oratione comprehendere non possunt: si quis enim indigno aliquo facto iniuriam & contumeliam his inferret, malæ credentiæ suspicionem contraheret, ac proinde tanquā suspectus de hæresi per iudices ecclesiasticos esset puniendus, sicut eleganter & copiose ostendit aliquando illustrissimus dominus Marcus Antonius Columna, Marsilius, Archiepiscopus Salernitanus, vir iuris vtriusque; peritiam insignis responso quodā, quo luculenter probauit delictum quorundam, qui conspurcauerant libellos excommunicatorios, quos vulgus cedulones vocat, cum turpium figurarū appositione ad sanctum officium pertinere: hoc enim factum videtur de potestate prælatorum male sentire, & censuras Ecclesiæ contemnere, atque irridere, & ignominiam Ecclesiæ irrogare, quæ eis celsuris vitur.

Denique vt in hac causa vno verbo tradam signa quibus hæretici, aut de fide suspecti deteguntur, dico, omnia opera per quæ dissiident a communi vita & conuersatione fidelium: aut ab Ecclesiæ probatis ritibus & consuetudinibus: aut receptis Patrum doctrinis & præceptis, quæ communes magis quā pri-

uatos mores respiciunt; aut hæresim inducunt, aut hæresis suspicionem, & excommunicamus i. §. adijcimus, de hæret.

Signa exteriora, per quæ hæretici Pseudoapostoli cognoscuntur.

P

seudoapostoli hæretici per signa huiusmodi cognoscuntur: induuntur tunica alba, longa, ac desuper matello albo ad collum per modum pallij eleuato, & super tunica non

corrigia de corio, sed funiculo adstringuntur: tunicæ longos deferunt: caput non cooperiunt, sed incedunt capite nudato: nudis pedibus incedunt, & quandoque soleis vtuntur: per mūdum ducuntur in plateis publicis in mensa eis parata sedendo comedunt: nihil petunt: sed de omnibus quæ apponuntur eis edunt: ponentes se ad mensam cantando benedicunt, & quando surgunt, etiam cantando gratias agunt: mensam paratam in via publica cum comederint, dimittunt, nihil inde secum ferunt, sed totum ibi dimittunt, & recedunt cantando per vias publicas, clamando: agite penitentiam, quia appropinquat regnum cælorum: aliquando Saluæ regina cantant: vitæ se soli tenere Apostolicam mendaciter asserunt: nulli obediunt: Apostolos se communiter appellat, atque dicunt.

Quanta autem istorum Pseudoapostolorum sit impietas, & quantus error, dictum est supra in secunda parte q. 12. vbi agitur de hæresibus & erroribus Pseudoapostolorum.

Signa exteriora per quæ à Manichæis hæretici dignoscuntur.

M

anichæi hæretici signis huiusmodi dignoscuntur: in nullo casu iurant: tres Quadragesimas in anno tenent, scilicet à festo beati Britij vsque ad Natale, & à Dominica prima Quadragesimæ vsque ad Pascha, & à festo Pentecostes vsque ad festum Apostolorum Petri, & Pauli: & vltimam septimanam cuiuslibet Quadragesimæ vocat septimanam sanctam, siue strictam: quia in illa ieiunant in pane & aqua: alij autem septimanis tribus diebus ieiunant in pane & aqua. Isti carnes nunquam comedunt, neque etiam tægunt, nec cæscum, nec oua, nec aliud, quod nascatur ex carne per

viam generationis, seu coitus edunt, sed respiciunt nullum animal gressibile, aut etiā volatile occidunt: quia fallaciter asserunt atque credunt, quod in animalibus brutis, atque in aibus degant illi spiritus, qui recedunt de corporibus hominum, qui non fuerunt de secta eorum: mulierē in nullo casu tangunt, vitam Apostolicam se soli tenere fingunt.

Quantus autem istorum hæreticorum Manichæorum sit error & impietas, dictum est supra in 2. parte q. 13. vbi agitur de hæresibus & erroribus Manichæorum.

Signa